

OBAVJEŠTENJE

Komisiji za vrijednosne papire Federacije BiH poštom je dostavljen dopis anonimne „Grupe investitora“ u kojem se navodi da su se Komisiji prethodno obratili sa primjedbama na izmjene i dopune Zakona o investicijskim fondovima, te da nisu dobili odgovor Komisije.

Navedeni akt po svojoj prirodi nije predstavka, odnosno ne potpada pod nadzornu funkciju Komisije. Ovo je bitno iz razloga što kod predstavki nije relevantno da li je anonimna ili nije, bitno je da se poziva na povrede propisa koji su u nadležnosti Komisije. Dakle, predstavka može biti i anonimna.

Predmetni dopis anonimne „Grupe investitora“, kao i njihov dopis od 19.3.2018. godine, po svojoj prirodi, premda to tako nije navedeno, nije predstavka u smislu navedenog, nego prije potpada pod traženje mišljenja ili stava Komisije, s obzirom da je predlagač navedenog Zakona o izmjenama i dopunama Zakona o investicijskim fondovima („Sl. novine Federacije BiH“, br. 25/17), Federalno ministarstvo finansija/finansija, a njegov donosilac Parlament F BiH.

Ako ga tako tretiramo, prema članu 11. stav 1. tačka 32. Zakona o Komisiji za vrijednosne papire („Službene novine Federacije BiH“, broj 39/98, 36/99, 33/04, 92/13 i 6/17) Komisija, u vršenju svojih ovlaštenja, preduzima druge mjere i radnje za koje je ovlaštena i odgovorna u skladu sa ovim zakonom i drugim zakonima i propisima. Ovo u sebi sadrži ovlaštenje za davanje mišljenja i stava obzirom da prema Zakonu o investicijskim fondovima („Sl. novine Federacije BiH“, br. 85/08 i 25/17) društva za upravljanje fondovima i fondovi su u nadležnosti Komisije.

Prema tome, jedan od dva uslova za davanje odgovora Komisije po predmetnom dopisu je ispunjen.

Međutim, drugi uslov je da podnesak nije anonimn, jer se odgovor ne daje javnosti nego tačno određenoj fizičkoj ili pravnoj osobi. Ovaj uslov nije ispunjen i zbog toga odgovor na prethodno dostavljeni akt nije ni dat, niti je trebao biti dat, jer je ovakav vid komunikacije Komisiju ne obavezuje na postupanje.

Što se tiče primjene Zakonu o investicijskim fondovima („Sl. novine Federacije BiH“, br. 85/08 i 25/17), do sada Komisija nije zaprimila primjedbe, pritužbe ili prijedloge od strane lica koja su u obavezi postupati po odredbama ovog Zakona, a vezano za nemogućnost ili neprovodivost ili kakvu drugu smetnju u primjeni propisanih odredbi.

Zbog obavještanja investicijske javnosti, bitno je pojasniti da je razlog, za donošenje Zakona o izmjenama i dopunama Zakona o investicijskim fondovima, sadržan u postupanju po preporukama Akcionog plana za otklanjanje nedostataka u borbi protiv pranja novca, a sa ciljem harmonizacije sistema sprečavanja pranja novca i finansiranja terorizma sa standardima i preporukama Radne grupe za finansijske mjere protiv pranja novca (FATF), koje se u suštini odnose na potrebu dopune i izmjene važeće regulative u dijelu koji se odnosi na propisivanje strožijih uslova za vlasničke i upravljačke strukture društva za upravljanje investicijskih fondova i zatvorenih investicijskih fondova sa javnom ponudom, na način da se osigura zabrana sticanja vlasništva i obavljanja upravljačkih funkcija kriminalcima i s njima povezanim osobama i saradnicima.

Naglašavamo da se, prilikom donošenja propisa iz svoje nadležnosti, Komisija pridržava pravila transparentnosti i dobre korporativne prakse na način da se zainteresovani učesnici i šira investicijske javnosti uključuju u takve postupke.